

16. NAO - 2013ko urtarrilaren 24a

32. ORDENANTZA

ORDENANTZA FISKALA, INGURUMEN-BABESAREN ERAGINPEAN DAUDEN JARDUERENDAKO ETA INGURUMEN-BABESAREN ERAGINPEAN EZ DAUDEN JARDUERENDAKO BAIMENAK EMATEKO TASAK ARAUTZEN DITUENA (LEHEN ALDIZ ERABILTZEKO EDO ERABILERA ALDATZEKO LIZENTZIA), BAI ETA EGIAZTATZE JARDUERAK EGITEA ERE, ALDEZ AURREKO BAIMENA EDO KONTROLA BEHAR EZ DUTEN JARDUEREN KASUAN

OINARRIA

1. artikulua. Ordainarazpen hau ezarri da Nafarroako Toki Ogasunei buruzko martxoaren 10eko 2/1995 Legearen lehen tituluko IV. kapituluko 7. atalean xedatutakoaren arabera eta lege bereko 12. artikuluan jasotzen den baimenari jarraikiz.

ZERGAPEKO EGINTZA

2. artikulua. Zergapeko egintza zerbitzu tekniko eta administratiboak egitea da, Ingurumena Babesteko Esku-hartzeari buruzko martxoaren 22ko 4/2005 Foru Legearen arabera jarduera sailkatuetarako udal lizentzia behar duten jarduerak eta instalazioak, bai eta udal lizentziarik behar ez baina lehen aldiz erabiltzeko edo erabilera aldatzeko Udalaren hirigintzako lizentzia behar duten jarduerak ezarri, ustiatu, lekuz aldatu, funtsez aldatu, berriz ireki eta abian jartzeko, bai eta legeria sektorialean ezarritako baldintzak betetzen direla egiaztatzeko jarduketak egitea ere, aldez aurreko baimena edo kontrola behar ez duten jardueren kasuan. Zehazki:

-Jarduera lizentzia.

-Irekitzeko lizentzia.

-Irekitzeko lizentziaren aldaketa.

-Jarduera sailkatuaren titulartasuna aldatzea.

-Instalazio eta lokalak berriz irekitzeko baimena.

-Jarduera sailkatuetarako udal lizentziarik behar ez duten jardueren lehen aldiz erabiltzeko edo erabilera aldatzeko lizentzia.

-Jarduera sailkatuetarako udal lizentziarik behar ez duten jardueren lehen aldiz erabiltzeko lizentzia eskuz aldatzea.

-Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, titulartasuna aldatzen denean.

-Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, jardueren potentzia mekanikoa 10 kW baino txikiagoa

bada aire girotuan, girotzean eta aireberritzean, edo 5 kW baino txikiagoa bestelako aparatuetan edo makinetan.

-Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, jardueren potentzia mekanikoa 10 kW baino handiagoa bada aire girotuan, girotzean eta aireberritzean, edo 5 kW baino handiagoa bestelako aparatuetan edo makinetan.

ORDAINDU BEHARRA

3. artikulua. Lizentzia eskatzen denean edo zergapeko egintza osatzen duen udal jarduera egiten denean sorraraziko da tasa.

4. artikulua. Zergapeko egintza osatzen duen udal jarduera egiten bada lizentziarik eskatu edo eskuratu gabe (eskatu den kasuan), tasa sortuko da establezimenduak lizentzia jasotzeko behar diren baldintzak biltzen dituen edo ez zehaztuko duen udal jarduera benetan abiarazten denean; horrez gain prozedura administratiboa abiaraziko da jarduera baimengarria den edo, kontrara, baimengarria ez bada jarduera gelditzea ebazteko.

SUBJEKTU PASIBOA

5. artikulua. Ordenantza honetan ezarritako tasak ordaindu behar dituzte pertsona fisiko eta juridikoek, baita, nortasun juridikorik ez izan arren, batasun ekonomikoa edo aparteko ondarea osatzen duten entitateek ere, baldin haien izenean lizentzia eman, aldatu edo berraztertzen edo eskualdatzen bada.

TARIFAK

6. artikulua. Ordenantza honen eranskinean jaso dira aplikatuko diren tarifak.

KUDEAKETAKO ARAUAK

7. artikulua. 2. artikuluan zehaztutako lizentziak erdiesteko interesa duten pertsonak behar den eskabidea aurkeztuko dute Udaletxean, lokalean egin beharreko jarduera edo jarduerak eta horren kokapena zehazten dituztela, aplikatzekoa den legedian eta dagozkion udal ordenantzetan eskatutako dokumentazioarekin batera.

8. artikulua. Udalak dagokion lizentziaren baimena ematen ez duen bitartean, interesdunek zilegi izanen dute espresuki atzera egitea eta kasu horretan tasa izanen da lizentzia eman balitz ordaindu beharko zatekeenaren %50. Lizentzia ukatzen bada, tasa portzentaje berean murriztuko da.

9. artikulua. Lizentzia iraungiz gero, jardueran aritu nahi duten interesdunek lizentzia berria eskatu beharko dute, eta dagokion tasa ordaindu.

ARAU-HAUSTEAK ETA ZEHAPENAK

10. artikulua. Arau-hauste eta zehapenei dagokienez, ordenantza fiskal orokorrean eta Nafarroako Toki Ogasunei buruzko martxoaren 10eko 2/1995 Foru Legean eta harekin bat heldu diren arauetan xedatutakoari jarraituko zaio.

AZKEN XEDAPENAK

Lehenbizikoa.-Ordenantza honetan jasotzen ez den orotan, toki entitate honek onetsitako ordenantza fiskal orokorrean eta Nafarroako Toki Ogasunei buruzko martxoaren 10eko 2/1995 Foru Legean xedatua aplikatuko da.

Bigarrena.-Ordenantza honek indarra hartuko du eta ondorio juridiko osoak sortuko, haren testu osoa behin betiko onetsita Nafarroako Aldizkari Ofizialean argitaratu ondotik.

XEDAPEN INDARGABETZAILEA

Bakarra.-Ordenantza honek indarrik gabe uzten ditu "Establezimenduak ireki eta eskualdatzeko lizentziak emateko tasak arautzen dituen ordenantza fiskala" eta "Ingurumenaren babesaren arloan baimenak emateko tasak arautzen dituen ordenantza fiskala".

2017KO TARIFEN ERANSKINA - 32. NAON ARGITARATUA 2016KO URTARRILAREN 21A

I. epigrafea.–Jarduerarako lizentzia eta haren berrikustea:

–Establezimendu edo instalazioak, 75 m² erabilgarriraino: 625,00 euro.

–75 m² erabilgarritik 100 m²-ra bitarte: 780,00 euro.

–100 m² erabilgarritik 250 m²-ra bitarte: 1.040,00 euro.

–250 m² erabilgarritik 500 m²-ra bitarte: 1.249,00 euro.

–500 m² erabilgarritik 1000 m²-ra bitarte: 1.560,00 euro.

–1.000 m² erabilgarri baino gehiago: 1.976,00 euro.

II. epigrafea.–Irekitzeko lizentzia eta irekitzeko lizentziaren aldaketa eta jarduera sailkatuetarako udal lizentziarik behar ez duten jardueren lehen aldiz erabiltzeko edo erabilera aldatzeko lizentziak:

–Establezimendu edo instalazioak, 75 m² erabilgarriraino. 573,00 euro.

–75 m² erabilgarritik 100 m²-ra bitarte: 676,00 euro.

–100 m² erabilgarritik 250 m²-ra bitarte: 780,00 euro.

–250 m² erabilgarritik 500 m²-ra bitarte: 884,00 euro.

–500 m² erabilgarritik 100 m² eraikira bitarte: 1.040,00 euro.

–1.000 m² erabilgarri baino gehiago: 1.249,00 euro.

III. epigrafea.–Jarduera sailkatuaren titulartasuna aldatzea eta jarduera sailkatuetarako udal lizentziarik behar ez duten jardueren lehen aldiz erabiltzeko lizentzien eskualdaketa:

–Establezimendu edo instalazioak, 75 m² erabilgarriraino: 312,00 euro.

–75 m² erabilgarritik 100 m²-ra bitarte: 390,00 euro.

–100 m² erabilgarritik 250 m²-ra bitarte: 520,00 euro.

–250 m² erabilgarritik 500 m²-ra bitarte: 625,00 euro.

–500 m² erabilgarritik 100 m² eraikira bitarte: 780,00 euro.

–1.000 m² erabilgarri baino gehiago: 988,00 euro.

Tasa ordaintzetik salbuetsirik daude titulartasun aldaketak eta jarduera sailkatuaren udal lizentziari lotu gabeko jarduerak lehen aldiz erabiltzeko lizentzien eskualdaketak, lehen urtean eskatzen badira jarduera sailkatuaren lizentzia ematen denetik edo jarduera sailkatuaren udal lizentziari lotu gabeko jarduerak lehen aldiz erabiltzeko lizentzia ematen denetik.

Halakoetan, udal teknikariaren ikustaldiagatik baizik ez da tasa ordainduko, 7. ordenantza fiskalak ezartzen duen gisan.

IV. epigrafea.–Instalazioak eta lokalak berriz irekitzeko baimena, egiaztatu behar izaten diren obrak egin ondotik:

–Ingurumen babesaren eraginpean dauden jarduerak egiten diren lokalak: 494,00 euro.

–Ingurumen babesaren eraginpean ez dauden jarduerak egiten diren lokalak: 494,00 euro.

V. epigrafea.–Lizentzia berriz definitzea:

–Lizentziaren definizio berri bakoitzagatik, jarduera izenaren eta funtzionamenduaren araubidearen aldetik ostatu berezi edo ikuskizunetarako kafetegi bilakatu ahal izateko: 573,00 euro.

VI. epigrafea.–Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, jardueraren titulartasuna aldatzen denean.

–Establezimendu edo instalazioak, 75 m² erabilgarriraino: 312,00 euro.

–Establezimendu edo instalazioak, 75 m²-tik 150 m² erabilgarriraino: 390,00 euro.

–Establezimendu edo instalazioak, 150 m²-tik 300 m² erabilgarriraino: 520,00 euro.

–Establezimendu edo instalazioak, 300 m² erabilgarritik goiti: 2,29 euro.

VII. epigrafea.–Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, 10 kW-tik beherako potentzia mekanikoa

duten jarduerak ireki, irekiera aldatu eta erabilera aldatzen denean aire girotuan, girotzean eta aireberritzean, edo 5 kW baino txikiagoa bestelako aparatuetan edo makinetan.

–Establezimendu edo instalazioak, 75 m² erabilgarriraino: 573,00 euro.

–Establezimendu edo instalazioak, 75 m²-tik 150 m² erabilgarriraino: 676,00 euro.

–Establezimendu edo instalazioak, 150 m²-tik 300 m² erabilgarriraino: 780,00 euro.

–Establezimendu edo instalazioak, 300 m² erabilgarririk goiti: 2,96 euro.

VIII. epigrafea.–Legeria sektorialean ezarritako baldintzak betetzen direla egiaztatzea, aldez aurreko baimena edo kontrola behar ez duten jardueren kasuan, 10 kW-tik gorako potentzia mekanikoa duten jarduerak ireki, irekiera aldatu eta erabilera aldatzen denean aire girotuan, girotzean eta aireberritzean, edo 5 kW baino handiagoa bestelako aparatuetan edo makinetan.

–Establezimendu edo instalazioak, 75 m² erabilgarriraino: 1.197,00 euro.

–Establezimendu edo instalazioak, 75 m²-tik 150 m² erabilgarriraino: 1.456,00 euro.

–Establezimendu edo instalazioak, 150 m²-tik 300 m² erabilgarriraino: 1.821,00 euro.

–Establezimendu edo instalazioak, 300 m² erabilgarririk goiti: 7,27 euro.